



Em 432



IN
 PIAM ET PERENNEM MEMORIAM
 ILLUSTRIS QUONDAM ET EX-
 CELLENTISSIMI VIRI
 DOMINI,
JOANNIS JACOBI
ZINCKII,

SERENISSIMIS DUCIBUS SAXO-LI-
 NEÆ MEININGO-COBURGENSIS
 A CONSILII AULÆ ET REGIMINIS
 OB EGREGIA MERITA SPECTATISSIMI,

HOC
 QUICQUID EST MONUMENTI,
 PRÆMATURA BEATI VIRI FATA
 DOLENS MOERENSQUE
 EX TENERRIMO ANIMI AFFECTU,
 CUM SINCERO OMNIS DIVINI COELESTISQUE
 SOLATII, AD FRACTAS LUGENTIUM PROXIMORUM
 MENTES FORTITER ERIGENDAS,
 VOTO,
 STRVERE VOLUIT,
 DEBUIT
 BEATI, DUM VIVERET,
 TOTIUSQUE IPSIUS AMPLISSIMÆ ÆSTUMATISSIMÆQUE
 FAMILIÆ AD CINERES DEDITISSIMUS
 AMICUS, EIDELISSIMUSQUE SERVUS ET CULTOR.



IMPRES. MEIN. d. III. JUN. A. R. S.
 M DCC. XLIII.

AK





ADeste!

Quotquot estis hujus civitatis
proceres, cives.

Lugubri vos voce ciet præco:

Exequias beato Viro

**ILLUSTRI ET EXCELLENTISSIMO QUONDAM
DOMINO**

JOANNI JACOBO ZINCKIO,

Quibus est commodum ire, jam tempus est, ollus ex adibus ecfertur.

Dignus est honore postremo,

Dignus cupressu,

Lamentabili præfica voce dignus, imo superior!

Virtus, pietas, probitas funebri major naniã!

Erat enim pius Dei cultor,

Ducum Serenissimorum fidus minister,

Aulicus,

non ad morem vulgi compositus

adulator abjectus, aut ad auram aulae consilia attemperans,

sed verus, sed sincerus, sed in commune consulens.

Erat Judex religiosus,

civis

Pro probitatem omnibus probis per quam dilectus,

Amicorum Amicus optimus,

Maritus & Pater

Amantissimus, desideratissimus.

Ideoque

merito suo lugendus.

Eheu!

præmatura fata quis non inculcat?

Ipsi Duces Serenissimi,

Collegæ

cives

Amici conqueruntur.

Vidua, conjux charissima, conjugem charissimum

tam subito ex amplexibus sibi abreptum luget,

lacrimas & voces lamentas conjungit liberorum eximie spei par,

parentem tenerrimum, pernecessarium

inque solatium & auxilium sibi datum,
tam cito ablatum.

Officia hæc sunt pietatis!

Ast!

Et dolori & querelis suus sit modus!

Quem mortuum lugetis,

Mortales,

jam vivus inter vivos

&

Beatus inter beatos gloriatur.

Gaudet, se jam intricatis vanitatum vinculis solutum.

Nihil enim non vanitati subiectum.

Omnes sub ea ingemiscimus.

Nec Purpura

nec Aula,

nec gloria Magnatum

cujus miseram conditionem splendor inanis celat,
vanitate exempta.

Cura, dolor, sollicitudo, inconstantia factorum, improborum nequitia,

fultorum inertia, labor sæpius frustraneus & ingratus,

mortalitasque denique ipsa

omnes omnium status, ordines, dignitates,

vitamque de vanitate conqueri jubet,

&

optimum quemque & prudentissimum maxime fatigat,

docente id nos sapientissimi, felicissimique

Regis pio effato.

Agite dum Mortales!

Beati monent Beati Nostri manes,

Mature ex his vanitatum tricis vos eripite,

ne oscitantes forsân & inviti eripiâmini.

Eadem vos expectant fata.

Dicite quam vana sint omnia!

Mundi gloria vos excæcat?

Heu!

quam fluxa est, quam cito transit gloria mundi.

Quem enim dies veniens vidit superbum, hunc dies fugiens

sæpius viditjacentem, omnemque simul ipsius gloriam.

Divitiæ vos detinent?

O! bona caduca, incendiis, fluctibus, rapinis exposita.

Voluptates vos delectant?

sunt venenatae, mortem afferunt amantibus, magno luendæ postea.

Quid ergo queritis?

Vera pietas, Virtus non fucata, magnanimus vanitatum contemptus

&

mens recti conscia.

Hæc sola bona constantia, perennia & perpetuo duratura.

Hæc nunquam vos miseros,
nunquam infelices,

nunquam vanitatibus sinent oppressos,
sed vivos, mortuosque beatos præstabunt.

Agite, quanto cyus sectamini hæc!

Discite Beati Nostri exemplo,

brevem vitam in longam collocare utilitatem.

Vitam ipsi meritis breviorẽ fuisse querimur,
quod vix quinquaginta & sex annos transgressa.

Verum

quæ ad Dei gloriam, proximi commodum,
& propriam salutem impensa vita,
non brevis, sed cito absoluta & perfecta dicenda.

Sequimini ergo Mortales

Ethnici, non ethnicum consilium:

Nolite reliquias vite vobis reservare!

nolite tempus ultimum bonæ menti destinare!

aut tum demum vivere incipere,

cum jam definendum est.

Stulta est mortalitatis oblivio sana consilia

ad extremum differre,

& inde vitam velle inchoare, quo pauci perducunt.

Singula momenta in usus vestros convertite

quasi singulis morituri.

Bene vivetis, & bene moriemini,

si tales vos esse memineritis semper,

quales estis,

mortales.

Vos autem,

quæ amor, quæ pietas, quæ cognatio,

placētus, lacrymas & suspiria

expressit,

parcite tandem fletu sollicitare cineres,

parcite nimio moerore tristitia conqueri fata.

Lacrymis cæli decreta non moventur.

Omnium hoc ultimum est: *Vixit.*

Sed bene vixisse piorum solatium est.

Nihil restat.

Præfica jam clamat:

ILIC ET!

Ergo

Vale, Vale, Vale.

Sit tibi terra levis, Virque o dignissime vita!

Æternis cæli perfruerere bonis.


78M 378

ULB Halle

003 076 938

3





IN
PIAM ET PERENNEM MEMORIAM
ILLUSTRIS QUONDAM ET EX-
CELLENTISSIMI VIRI

DOMINI, JOANNIS JACOBI

NCKII,

DUCIBUS SAXO-LI-
GO-COBURGENSIS
ULÆ ET REGIMINIS
ERITA SPECTATISSIMI,

HOC
EST MONUMENTI,
RA BEATI VIRI FATA
NS MOERENSQUE
IMO ANIMI AFFECTU,
MNIS DIVINI COELESTISQUE
AS LUGENTIUM PROXIMORUM
ORTITER ERIGENDAS,
VOTO,
VERE VOLUIT,
DEBUI
DUM VIVERET,
PLISSIMÆ ÆSTUMATISSIMÆQUE
CINERES DEDITISSIMUS
IMUSQUE SERVUS ET CULTOR.



MEIN. d. III. JUN. A. R. S.
M DCC. XLIII.

Farbkarte #13

B.I.G.

8	Black	Black
7	3/Color	3/Color
6	White	White
5	Magenta	Magenta
4	Red	Red
3	Yellow	Yellow
2	Green	Green
1	Cyan	Cyan
0	Blue	Blue

Centimetres

inches

AK

